

Cangh Hwngez maj ndaej mbaq gvangq ndang langh, dwg boux vunz sangmaengh ndeu, aen ndangdaej neix ngamjhab guh faenh hong hai huqci buet roen' gyaed; de beizheiq gaenj, bak raeh ak gangjavah, neix hawj gyoengq vunz youq gwnz roen dajgiep haenx miz di dwglau. Gyonj daeuj gangj, yienghsiengq de sawj vunz "gingqgyaeyz youh lau raen".

"Ngaizromh cawj baenz caengz?"

Cangh Hwngez doq hwnqcongcz doq cam mehyah youq ndaw ranzdajcawj haenx.

"Caengz." Mehyah naeuz.

"Haemhlwenz gou mbouj dwg caeuq mwngz gangj, haetneix gou yaek okci caeux ha, mbouj dawz vah gou haeuj rwz ha?" Cangh Hwngez hat naeuz.

Cangh Hwngez seiqcib bi lo, gig noix guh hongranz. Hix mbouj ndaej gvaic de mbouj guh, ranz de saedceij gvaq ndaej yienghneix ndei, dwg baengh de hai ci buet gwnz buet laj canh ndaej cienz.

Cat heuj swiq naj sat le, Cangh Hwngez couh roengz daengz laj laeuz bae caiq genjcaz aenci caeuq gij doxgaiq gwnz ci haemhlwenz cang ndei haenx mbat he, nyinhnaeuz gij huq caeuq aenci mbouj miz gijmaz saeh le, couh dauqma gwn ngaizromh. Yaek okdou seiz, de yaep mbat da ndeu coh mehyah, mehyah sikhaek buet bae daizsaenz diemj yieng, ndawsim caegcaeg naeuz: Goengcoj baujyouh gvan gou okci bingzan swnhleih.

Youq gwnz loh, Cangh Hwngez baenq aen fuengyiengbuenz, ciensim haeujeiq bae hai ci, fouq lwgda mbouj yaep dwk yawj baihnaj.....mbouj rox gvaq le geijlai nanz, byaij daengz giz van ndeu, Cangh Hwngez guh aen dungcoz van gyaundeide ndeu, aen ci couh gig dingq vah dwk baenq gvaq giz van bae. Sawqmwh, Cangh Hwngez ndawsim "boeb" dwk diuq mbat ndeu, mbouj ndei, miz "maroen". Haxbaenh aen dungcoz van haenx, de ienq dwk mbei yaek naeuh bae, hoeng ganj mbouj gib lo, baihnaj miz lucwngyenz cingq genjcaz. Seizneix danghnaeuz hai ci doxdaug ndoj gyoengde, gyoengqde haengjdingh gyaep gvaqdaej, yienghneix deng gaemhdawz saeh engq naek, Cangh Hwngez cijndei laebdaeb hai ci bae naj.....

sawcuenb diuj

Bingzan Dwg Fuk

平安是福

□ Lingz Siuyangh/凌秀香

"Bingzciengz buet roen' gyaed, hai ci soqlaiz mbouj gamj veizgveih gvaq, ngoenzneix buet roen' gyawj, laihaeuz mbouj youqgaenj, haemhlwenz cang lai geij dun huq, hai! Cienzyouz ngoenz beij ngoenz bengz, mbouj cang lai di couh mbouj ndaej canh gijmaz lo." Cangh Hwngez gag gangj gag naeuz.

"Cedmehe de, gyoengq 'maroen' neix, caen dwg goengloh sam luenh (luen h fad cienz, luenh sou ngaenz, luenh lanz ci), rim aendaehngaenz swheij, gyoengq maseng neix, iek cienz lumj ma iek haex nei". Cangh Hwngez haeb faenz maenj naeuz.

"Muengh cojcoeng baujyouh gou swnhleih gvaqbae....." Cangh Hwngez caegcaeg ngeix.

Aenci deng gaep dahraix lo. Cangh Hwngez baez saet roengz ci, naj riu ndaeng riu dwk ndenq ien hawj gyoengqde naeuz: "Cit ien gonq."

"Docih, dou mbouj cit ien." Boux lucwngyenz naeuz.

Cangh Hwngez youh naeuz: "Beixnuengx, gou mbouj famh saeh neix gvaq, neix dwg baez daih' it, mbouj caiq miz baezlaeng lo, sou yienzliengh gou mbat neix ba."

Gyoengqde cij goq genjcaz, mbouj leixlangh Cangh Hwngez. Cangh Hwngez roxnyinh mbwnlaep liux, youh mboujfug yienghneix deng fadcienz, youh naeuz: "Beixnuengx, gou rox loek lo, sou hix aeu hawj beksingq miz gihvei gaijloek cij ndaej ni?" Cangh Hwngez gangj ndei gangj rwix cungj mbouj miz yungh, dayawj gyoengqde yaek sij fei fadcienz lo, Cangh Hwngez sikhaek naeuz: "Gou mbouj aeu fei, sou ciuqgoq gou baez ndeu ba."

"Ciuq gvigawj banhsaeh." Boux lucwngyenz ndeu naj haenq dwk naeuz: "Hai ci mbouj rox baujhoh goengloh, mbouj miz ancienz yisiz, dawz sengmingh dangq guhcaemz." "Bya"



sing ndeu, mbawfei deng sik lo, oet daengz ndaw fwngz Cangh Hwngez. Raen daengz neix, Cangh Hwngez da daengj bak aj, ndwn youq gizhaenx mbouj rox doengh din.....

Yawj lucwngyenz mbouj miz di siengliengz, yawj mbawfei fadcienz ndaw fwngz, Cangh Hwngez ndatheiq fudfwd hemq naeuz: "Gyoengq 'maroen' sou, caen dwg luenh sou luenh fad, caeuq bouxgieploh miz maz mboujdoengz, mbouj miz saek di liengzsim, nap gwn lwedhanh beksingq, yienzlaiz sou dwg yiengh-neix fatcaiz."

Cangh Hwngez naj nding rwz dik, ndaq dwk myaiz sinzbyoebyoe bae. Doiq gij yiengh Cangh Hwngez, gyoengq lucwngyenz mbouj gaenj mbouj gip, dang de dwg mabag raeuq ronghndwen, cix dinghdinh yawj de, Cangh Hwngez engqgya mbaetheiq, de doq ndaq doq hwnj ci bae, naengh ndei le, yiengq rog cuengci biq amq myaiz ndeu, naeuz: "Viz, baez huq neix mboujdanh beg rag, lij diep bonjcienz dem." Gangj sat, gya youz bongh baenaj.....

"Bung" sing ndeu, aenci Cangh Hwngez hai bae bak lai mij seiz, aen lunzdaih laeng dek lo, aenvih cang huq naek lai, aenci baez ngeng, fan youq gwnz loh.

Gyoengq lucwngyenz raen daengz gij ciengzmienh sawj vunz dungx mbuemq ndang saenz neix, bouxboux ngaenz liux, sikhaek buet gvaqbae.

Cangh Hwngez deng gij saeh fwt fatseng neix haep ndaej hoenz mbouj youq ndang, de diemq gaemz heiq hung ndeu le, yawj swheij sieng mbouj naek, cij dwg deng fuengyiengbuenz caeuq aeneij gab dwk ning mbouj ndaej, couh namq naeuz: "Cedmehe de, boihseiz doek daengz ndang seiz gwn raemxsaw hix gaz hoz."

"Sieng mbouj?" Gyoengq lucwngyenz buet daengz, yousim dwk cam de.

"Mbouj mizmaz sieng naek, deng gab lo." Cangh Hwngez siengj mbouj daengz gyoengqde buet daeuj baenz vaiq, doeksat youh gikdoengh.

"Miz gangciem lw?"

"Miz, youq laj....." Cangh Hwngez gamjdoengh dwk yaek gangj mbouj ok vah.

"It ngeih sam, geuh——"

"It ngeih sam, geuh——"

.....

Geuh geij baez, Cangh Hwngez dauqdaej ruenz okdaej lo, de unqbyeb lumj aengiuiz mbouj miz heiq nei naengh youq gwnz namh : "Docih sou, haxbaenh gou.....sou bouxhak mbouj gvaic beksingq mbouj roxleix, cingj sou yienzliengh gou." Cangh Hwngez najmong naeuz.

Yawj vunz sieng mbouj naek, boux lucwngyenz ndeu naeuz: "Caeklaiq mbouj haih deng bouxwnq hw!"

"Gou neix dwg gag ra dai ha....." Cangh Hwngez danqheiq naeuz.

"Dam cienzcaiz, ra cainanh, ndaej noix vut lai ha..... Sou gangj ndaej deng, gou yawjsiuj ancienz, doeklaeng buen rin dub din swheij." "Gizsaed, gou rox sou mbouj guenj seiz nit seiz ndat, seiz fwn seiz rumz, bae coih goengloh, dwg vih gij sengmingh caizcanj vunzlai ancienz, dwg vih hawj saedceij beksingq gvaq ndaej vuenyungz, doxhuz onjdingh....." Ndaek bouxsai vifung neix, seizneix fouqda gamzrim raemxda lo.

"Bingzan dwg fuk!" Daihgaya mbouj iek caez naeuz.

Lucwngyenz naj loh ok sai riu lo.....

Boux sicangj diegcoj youq Swconh haenx gaisau hawj Veiz Gozcingh naeuz: "Boux neix dwg boux fucujyin caizban si dou Gvangh Yenz, dingqnaeuz Gozcingh dungzci yaek bae ngonh hawciengz, gou cix lingx de caez daeuj lo."

Gvangh Yenz dwg baez daih' it caeuq Veiz Gozcingh raennaj, mbouj gamj cuengqsoeng geijlai. Veiz Gozcingh nyiengh daengq hawj song boux dungzci neix le, boux de bingzciengz gig yiemzduk, hoeng ngoenzneix dauqfanj gangj aen vahriu hawj boux hek baez daeuzit daeuj haenx nyi.

De ndwn hwnjdaej naeuz Gvangh Yenz: "Mwngz guhlawz ndaej guh fucujyin caizban ne?"

De baez gangj, Gvangh Yenz cix nguengh lo. Lienz Vangz Gwzginz caeuq Yenz Gvanghcaij caemh geizheih raixcaix.

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangjsij Ciaz Siengzcoub Liuz Gingliuj Ciaz Siengzzen boiz

Caem yaep ndeu le, Vaiz Gozcingh youh naeuz: "Gij canjliengh haexgwn raeuz wnggai guh ndaej sangsang bae, gij gyaqhuq hawciengz ne wnggai guh ndaej daemqdaemq bae, Lauxvuengz caeuq Lauxgvangh doxvuenh hong gvaqdaej cix ndei hani?"

De yienghneix gangj, daihgaya cungj angq hwnjdaej, Gvangh Yenz caemh cuengqsoeng lo.

Yienzlaiz, Gvangh Yenz dwg youq Hwzlungzgyangh maj laux, sang 1.89 mij, Vangz Gwzginz goeng neix ne dwg youq Guengjsae majhung, dwg boux daemq ndeu.

Vangz Gwzginz riu naeuz: "Gvangh Yenz, raeuz couh ciuq gij vah suhgi daeuzit doxvuenh baez vih vei!"

Gvangh Yenz caeux roxnaj boux dinghcangj neix gvaq, de cingqging

dangqmaz naeuz: "Vangz dingh-cangj, heuh gou bae rap diuz hanz naek mwngz, gou dingh deng dimz benj bae ne."

Yenz Gvanghcaij youq baihhenz caemh nyaenx mbouj ndaej gangriju naeuz: "Lauxvuengz, gou boux sicangj neix mbouj angqcoux mwngz, mwngz lawh mbouj ndaej Gvangh Yenz bw, de dwg boux ak guh hong caizmou si dou nw." (caengz sat)